



«Քայլ առ քայլ» բարեգործական հիմնադրամ

«Նախադպրոցական հաստատության մանկավարժական աշխատողների մասնագիտական կարողությունների և հմտությունների զարգացման» ծրագիր

ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Մանկավարժական աշխատողի համագործակցությունը սաների ծնողների (նրանց օրինական ներկայացուցիչների) հետ՝ սաների կրթական աշխատանքների կազմակերպման և ընտանեկան դաստիարակության հարցում:

Դաստիարակ՝ Ալվարդ Եփրիկյան
Մանկապարտեզ՝ «Քանաքեռավանի մանկապարտեզ» ՀՈԱԿ

2023թ.

ԲՈՎԱՆԴԱԿՈՒԹՅՈՒՆ

| | |
|---|------|
| ԲՈՎԱՆԴԱԿՈՒԹՅՈՒՆ..... | -2- |
| ՆԵՐԱԾՈՒԹՅՈՒՆ..... | -3- |
| ԳԼՈՒԽ 1. Տեսական մաս..... | -5- |
| Ընտանեկան դաստիարակության առանձնահատկությունները | -5- |
| Ենթագլուխ 1.1 Ընտանեկան դաստիարակության խնդիրները..... | -5- |
| ԳԼՈՒԽ 2. Ընտանիքի և մանկապարտեզի համագործակցության ձևերը..... | -7- |
| Ենթագլուխ 2.1 Ընտանիք և մանկապարտեզ կապը..... | -8- |
| ՆԱԽԱՊԱՏՐԱՍՏԱԿԱՆ ԱՇԽԱՏԱՆՔ..... | -9- |
| ՀԵՏԱԶՈՏԱԿԱՆ ԱՇԽԱՏԱՆՔ..... | -10- |
| ԾՆՈՂՆԵՐԻ ՀԱՄԱՐ ՆԱԽԱՏԵՍՎԱԾ ՀՈԳԵԲԱՆԱԿԱՆ ԱՆԿԵՏԱ..... | -14- |
| ԵԶՐԱԿԱՑՈՒԹՅՈՒՆ..... | -16- |
| ԿԱՐԾԻՔՆԵՐ..... | -18- |
| ԳՐԱԿԱՆՈՒԹՅԱՆ ՑԱՆԿ..... | -20- |

ՆԵՐԱԾՈՒԹՅՈՒՆ

Երեխայի բնականոն եւ համակողմանի զարգացման ապահովման գործում մեծ է կրթության դերը: Նախադպրոցական կրթության հիմնական խնդիրներն են երեխայի ֆիզիկական, հոգեկան, բարոյական, մտավոր զարգացման հիմքերի ստեղծումը նրա ընդունակությունների բացահայտմանն ու բնականոն զարգացմանը նպաստելը, շրջապատի հետ շփման, սեփական կարծիքն արտահայտելու և վարքագիծը կառավարելու տարրական կարողությունների ձեւավորումը, դպրոցական ուսուցմանը երեխային նախապատրաստելը:

Ինչպես ամրագրված է Հայաստանի Հանրապետության կառավարության ծրագրում, նախադպրոցական կրթության զարգացումն ուղղվելու է համակարգի արդիականացմանը եւ զարգացման նախադրյալների ստեղծմանը:

Ռազմավարական ծրագրի դրույթներում նշված է նախադպրոցական կրթության ոլորտում ՀՀ կառավարության հիմնական նպատակը նախադպրոցական կրթության ծառայությունների որակի և մատչելիության բարելավումն է հստակ ուշադրություն դարձնելով սոցիալապես անապահով ընտանիքների երեխաների նախադպրոցական կրթության մեջ ընդգրկման ավելացմանը:

Քանի որ իմ թեման՝ համագործակցությունն էր մանկավարժի ու սաների ծնողների հետ՝ սաների կրթական աշխատանքների կազմակերպման եւ ընտանեկան դաստիարակության վերաբերյալ, ես որոշեցի տարբեր մանկավարժական գրքերից որոնել և գտնել իմ թեմային համապատասխան տեսարանների գեղեցիկ եւ համընկնող խոսքեր: Օրինակ՝ Տ.Ա. Մարկովայի աշխատանքների մեջ առանձնահատուկ դեր է խաղում ընտանեկան դաստիարակության երեք գործոնները՝ որոնք ես չէի կարողանա չտեսնել:

Մեր մեծ վիպասան Րաֆֆու խոսքերը երբեք չի ծերանում, այն մնում է միշտ դաստիարակչական եւ խրատական ուժ ընտանիքի ներգործության մեջ. «Ընտանիքը երեխայի մթնոլորտն է» :

Կամ մեծն Յ.Ա. Կոմենսկին շատ յուրահատուկ նշում էր,որ «Մայրիկի դասերը չունեն դասամիջոցներ...»

Յուրաքանչյուր անհատի ճակատագիր դասավորվում է դեռ մանկուց:Երեխաների դաստիարակության,զարգացման ապագայի ձեւավորման մեջ որքան մեծ է ընտանիքի դերը դրանից էլ զատ՝ մանկապարտեզինը:Մեր աշխատանքի բուն նպատակը ներկայացնել մանկապարտեզ-ընտանիք կապի առանձնահատկությունները, առավելությունները երեխայի դաստիարակության հարցում:

Մանկապարտեզ-ընտանիք համագործակցությունը երեխաների զարգացման կարևոր մասն են կազմում,քանի որ այդ կապը ավելի արդյունավետ է դարձնում երեխային ճիշտ զարգացմանը նպաստելը:

Ես իմ առջ և դրել եմ որոշակի նպատակներ:

Թեմայի նպատակն է՝

- Ընտանիքի վերաբերմունքը երեխայի նկատմամբ
- Ընտանիքի շփման մեթոդները
- Ընտանիք-մանկապարտեզ համագործակցության արդյունավետությունը
- Ընտանիքի վերաբերմունքը երեխայի ինքնուրույնության դրսեւորմանը

Ինձ հետաքրքրում է այս ժամանակի ծնողները՝ օգտվում են «Քայլ առ քայլի» մեթոդներից:

Գլուխ 1. Տեսական մաս

«Ընտանեկան դաստիարակության առանձնահատկությունները»

Ընտանեկան դաստիարակությունը մանկավարժական համակարգ է՝ ուղղված կրթադաստիարակչական խնդիրների իրականացմանը, ընտանիքի բոլոր անդամների համատեղ մանկավարժական ջանքերի շնորհիվ: Ճիշտ է յուրաքանչյուր ընտանիք ունի դաստիարակության իր սկզբունքներն ու մոտեցումները, սակայն դրանք պետք է պարբերաբար վերանայվեն, ճշտվեն եւ համապատասխանեցվեն ընտանեկան դաստիարակության մանկավարժորեն ընդունելի պահանջներին:

Տ.Ա. Մարկովան երկար տարիների ուսումնասիրելով ընտանեկան դաստիարակության առավելությունները, առանձնացնում է ընտանեկան դաստիարակության երեք այն գործոնները, որոնք բնութագրում են ընտանեկան դաստիարակության հիմնական առանձնահատկությունները:

Առաջին առանձնահատկությունը՝ վերաբերում է ընտանեկան դաստիարակության մթնոլորտին:

Ընտանեկան դաստիարակության երկրորդ առանձնահատկությունը՝ մանկավարժական ներգործության մշտական (տեսական) բնույթն է:

Ընտանեկան դաստիարակության երրորդ առավելությունը երեխային՝ ընտանեկան խնդիրների լուծմանը, լիիրավ մասնակից դարձնելու հնարավորությունն է:

Ենթագլուխ 1.1

«Ընտանեկան դաստիարակության խնդիրները»

Ընտանիքը ապահովում է երեխայի հետագա երջանիկ կյանքի համար անհրաժեշտ պայմաններ եւ ձևավորում որոշակի կենսակերպ: Ընտանեկան դաստիարակության միջոցով լուծվում են երեխայի անձնավորության կայացման մի շարք խնդիրներ: Դրանք են.

- ✓ ստեղծվում են երեխայի լիարժեք զարգացման համար բոլոր հնարավոր պայմանները

- ✓ ապահովում երեխայի հոգեբանական պաշտպանվածությունը եւ ձեւավորվում է վստահություն աշխարհի հանդեպ
- ✓ զարգանում է երեխայի ինքնագիտակցությունը, ձեռք է բերվում սեռային պատկանելություն և արժանապատվության զգացողություն
- ✓ ձևավորվում են կյանքի հմտություններ և դրական սովորություններ
- ✓ յուրացվում են սոցիալ-բարոյական արժեքներ, ձևավորվում է կենցաղային մշակույթ
- ✓ փոխանցվում են եւ յուրացվում ընտանեկան փոխհարաբերությունների նմուշներ, ձևավորվում է ընտանիքի պահպանման և դաստիարակության որոշակի օգտակար փորձ:

Նշված խնդիրներից կարևորությունը պահանջում է ընտանեկան դաստիարակության մանկավարժական մոտեցումների հստակեցում եւ հատուկ մշակում: Ընտանեկան դաստիարակության կազմակերպման եղանակների հուշում եւ տարածում ծնողական միջավայրում:

Գլուխ 2

«Ընտանիքի եւ մանկապարտեզի համագործակցության ձեւերը»

Նախադպրոցական տարիքի ետեխանների ներդաշնակ զարգացման գործընթացում առանձնահատուկ կարևորվում է ընտանիքի, նախադպրոցական կրթական հաստատության հաջորդական եւ փոխապայմանավորված մանկավարժական ներգործությունը:

Մանկավարժական աշխատանքների հաջորդականությունն իրականացվում է կրթության բովանդակության փոխանցման և յուրացման աստիճանականության և դաստիարակության գիրծընթացում երեխային ներկայացվող պահանջների միասնականության ճանապարհով: Համագործակցության պայմաններում դրական փոփոխությունների են ենթարկվում «ծնող-երեխա-մանկավարժ» փոխհարաբերությունները, որոնք կրթական գործընթացի խթանման և դրա արդյունավետության հիմնական գործոններից մեկն է:

Կարևոր է, որ մանկապարտեզի և ընտանիքի պահանջները լինեն միասնական:

Ընտանիքը հասարակության առաջին սոցիալական օղակն է, ուր դրվում են երեխայի անձնավորության հիմքերը և կառուցվում է նրա սոցիալական կերպարը:

«Ընտանիքը երեխայի մթնոլորտն է, նրա մեջ աճում և զարգանում են երեխայի մտավոր ուժերը, նրա հոգեկան զորությունները և բարոյական հատկությունները, բոլորն այն չափով, ինչ չափով նպաստում է դրան գերդաստանի կրթողական ազդեցությունը և այն ձեւով, ինչ կերպարանք է տալիս նրան դաստիարակող ոգին» (Րաֆֆի):

Յ.Ա. Կոմենսկին նշում էր, որ «Մայրիկի դասերը չունեն դասամիջոցներ, հանգստյան օրեր, արձակուրդ»: Վերջապես, «Երեխան ընտանիքի հայելին է» սահմանում դարձած արտահայտությունը լիովին նկարագրում է և կարևորում ընտանիքի անփոխարինելի դերը երեխայի զարգացման և նրա անձնավորության ձևավորման գործում: Ընտանիքը այն կայուն սոցիալական օղակն է, որն ուղեկցում և առաջնորդում է երեխային իր ողջ կյանքում:

Մանկապարտեզը և այլ նախադպրոցական կրթական հաստատությունները կոչված են իրականացնելու նախադպրոցական տարիքի երեխաների հասարակական

դաստիարակությունը: Նախադպրոցական կրթօջախների հիմնական մանկավարժական գործառույթը երեխայի դաստիարակության կազմակերպումն է հասակակիցների միջավայրում, նախադպրոցահասակ երեխաների հասարակական կյանքի համար անհրաժեշտ պայմանների ապահովումը: Մանկապարտեզում է երեխան սկսում հաղորդակցվել և համագործակցել, որոշումներ կայացնել, համադրելով սեփական ցանկություններն ու կարծիքը ընկերների ցանկությունների և կարծիքի հետ:

Ենթագլուխ 2.1

«Ընտանիք եւ մանկապարտեզ կապը»

Ծնողների մանկապարտեզի մանկավարժական աշխանքներին ակտիվ մասնակցությունից շահում են մանկապարտեզի մանկավարժան գործընթացի բոլոր սուբյեկտները:

Մանկապարտեզի և ընտանիքի համագործակցությունն օգնում է երկուստեք ճանաչելու և հաշվի առնելու երեխայի դաստիարակության իրական պայմանները՝ այն արդյունավետ կազմակերպելու նպատակով:

Ծնողների ներկայությունը մանկապարտեզում վստահություն է ներշնչում երեխային և կրկնապատկում նրա սովորելու և աշխարհը ճանաչելու ցանկությունը: Ծնողներն իրենց հերթին ձեռք են բերում չափազանց կարևոր մանկավարժական գիտելիքներ և կարողանում են գնահատել մանկավարժի ծանրագույն աշխատանքը:

ՆԱԽԱՊԱՏՐԱՍՏԱԿԱՆ ԱՇԽԱՏԱՆՔ

Պետք է կատարել ընտանեկան մթնոլորտի ուսումնասիրություն: Դրա համար պետք է ծնողների հետ կատարել հայտորոշիչ վերլուծական աշխատանք: Բաժանել ծնողների համար նախատեսված հոգեբանական անկետա, որը հնարավորություն է տալիս վեր հանել ընտանիքի ընդհանուր բնութագիրը ,տարիքը,կրթական մակարդակը,տեղեկություններ երեխայի մասին,մանկավարժական մշակույթը,ծնողների հետ հաղորդակցման բնույթը,ծնողների դաստիարակչական ներուժը,նրանց հոգեբանամանկավարժական կոմպետենտը:

Պարապմունք եմ ներկայացնելու «Միջին խմբի» սաների հետ:

ՀԵՏԱԶՈՏԱԿԱՆ ԱՇԽԱՏԱՆՔ

Ծնողների համար նախատեսված անկետաները, երբ լրացրած արդեն կարդացի, և ինքս համոզվեցի, որ մեր երիտասարդ ծնողները՝ մոտ են կանգնած «Քայլ առ քայլի» մեթոդներին եւ դրա հիման վրա ես սկսեցի իմ հետազոտական աշխատանքը սկսել այդ նույն մեթոդը կիրառելով:

Նախապես խմբասենյակում ստեղծեցի ընտանիք և մանկապարտեզ մթնոլորտը, այսինքն ամբողջ խումբը զարդարեցի իմ խմբի սաների «Միջին խումբ» գեղեցիկ աշխատանքներով, որը կապված էր ընտանիքի հետ:

Մանկապարտեզում երեխաները նկարեցին՝ հետեւյալ նկարները.

- «Իմ մեծ ընտանիքը»
- «Իմ հայրիկը, մայրիկը եւ քույրիկը»
- «Իմ քույրիկը կամ եղբայրը»
- «Իմ տատիկը եւ պապիկը»

Եւ հիշեցին զվարճալի պատմություններ և՛ ընտանիքից, և՛ մանկապարտեզից:

ԹԵՄԱ՝ «Ճանաչիր ընտանիքդ եւ տարբերակիր այն»

Սկսում ենք խաղով.

Խաղ – «Ի՞նչ կա տուփում»

Նախօրոք տուփի մեջ թաքցնում ենք ընտանեկան նկարներ(երեխաների ընտանիքներից):

Տուփը դնում ենք խմբասենյակից դուրս և դրսից մեկը դուռը թակում է, երեխաներից մեկը դուռը բաց է անում և զարմացած տուփը ներս է բերում:

Մեր սաները հերթով թափահարում են, որ գուշակեն ինչ կա այդ տուփում՝

Եվ ահա երեխաներից մեկը ասաց նկար է, անմիջապես բացեցինք ու տեսանք մեր սաների ընտանիքների նկարները:

ՏԵՍԱԿԸ - Զրուց

ՆՊԱՏԱԿԸ - Երեխաների մեջ պատկերացում ձեւավորել. ընտանիքը, որպես միասին նույն տանիքի տակ ապրող հարազատ մարդկանց մասին, դաստիարակել մտերիմների հանդեպ հոգատար վերաբերմունք դրսևորելու ցանկություն:

Զարգացնել կապակցված խոսքը, խրախուսել պարզ, ընդարձակ և քերականորեն ճիշտ կազմված նախադասություններով հարցերին պատասխանելու երեխաների ջանքը: Երեխաներին առաջարկել հանելուկներ՝

Ո՞վ է արթուն լինում

Երբ հիվանդ ես լինում: (Մայրը)

Գ. Մովսիսյան

Ու՞մ ժպիտն է կյանք տալիս,

Երբ իր փոքրիկն է լալիս:

Հարստացնել բառապաշարը «ընտանեկան ջերմություն», «մաղթանք», «նկարել մանկապարտեզում ընտանիքի մասին» բառերով և բառակապակցություններով: Ընթացքում երեխային օգնելու համար տալիս ենք հարցեր:

- Ու՞մ հետ ես ապրում:
- Ո՞վ է ամենամեծը ձեր ընտանիքում:
- Ո՞վ է ամենափոքրը:
- Դու սիրու՞մ ես քո հարազատներին:
- Ո՞վ է հոգ տանում քո մասին:
- Դու ու՞մ մասին ես հոգ տանում
- Ու՞մ հետ ես սիրում խաղալ տանը
- Ե՞րբ եք բոլորով ուրախանում
- Ի՞նչ եք զգում, երբ հայրիկը անտրամադիր է
- Ի՞նչ եք զգում, երբ մայրիկը, տատիկը պապիկը հիվանդ են:

Այս հարցերի պատասխանը լսելուց հետո վերլուծում ենք ու խաղում:

Խաղ «Ձնագնդի»

Մեկ օր առաջ երեխաները նկարեցին իրենց պատկերացրած ընտանիքը և պատրաստեցին նրանցից ձնագնդիներ՝ պահեցինք տուփի մեջ և այս խաղի ժամանակ առաջ բերեցինք ու սկսեցինք խաղալ թղթի ձնագնդի:

Յուրաքանչյուր երեխա ձեռքում պահեց մեկ թուղթ ձնագնդի, որը պետք է բացի ու իմանա ո՞վ է նկարել այդ նկարը:

Խաղի ավարտից հետո երեխաներին հարցնում ենք «Ի՞նչ ենք մաղթում ձեր ընտանիքներին ու մանկապարտեզին»:

Երեխաները այս հարցին միանգամից պատասխանեցին՝ «Մենք ուզում ենք, որ մեր շրջապատում բոլորը լինեն ուրախ»:

Ինձ թվում է, որ մեր սաները ուրախության կարիք շատ ունեն:

Իմ նպատակն է իմանալ ծնողների դաստիարակությունն ու մեթոդները:

Հետազոտական աշխատանքի ավարտին ես հայտնաբերեցի, որ մեր հարգելի ծնողների մեծամասնությունը առաջնորդվում է երեխաների հանդեպ դրական և հոգատար վերաբերմունքով դրսևորված սկզբունքներով.

- Մարդասիրություն և գթասրտություն
- Երեխայի հանդեպ սիրո և հարգանքի
- Երեխայի հետ բաց ու վստահելի հարաբերությունների հաստատման
- Երեխային ընտանիքի գործունեությանն ակտիվ ներգրավելու:

Կցանկանայի նշել, որ շատ հետաքրքիր իրադարձություն տեղի ունեցավ հենց պարապմունքի օրը՝ մեր շատ շնորհալի սաներից մեկի ծննդյան օրն էր, երեխաները շատ զվարճալի ու հետաքրքիր օր անցկացրին, որովհետև խոսեցինք ընտանիքի մասին և փոխկապակցված ընտանիք-մանկապարտեզ փոխգործակցության մասին և նշեցինք կարևոր իրադարձություն:

Եթե երեխան շատ ուրախ է և երջանիկ, որ իր ծննդյան օրը անցկացնում է մանկապարտեզում իր ընկերների ու մեզ հետ, դա կրկնակի ուրախություն է՝ թե՛ մեզ, թե՛ ծնողի համար: Չէ՞ որ այսօր մեր երեխաները՝ ուրախության ու շաղկապության և

հարգանքի կարիք ունեն: Մենք ուրախ և երջանիկ կլինենք, եթե մեր սաները միշտ լինեն առողջ, ժպտերես և ապրեն միշտ խաղաղ երկնքի տակ:

Կարևոր չէ ընտանիքը մեծ է, թե փոքր, կարևոր է, որ ընտանիքում սեր և

համերաշխություն լինի, բոլորը հոգ տանեն, սիրեն և հարգեն իրար:

Եվ այստեղից հետևություն, որ այս թեմայի միջոցով նախադարձական կրթության

հիմքում ընկած է՝ դաստիարակել երեխաներին կիրթ վարքագիծ դրսևորելու ընտանիքի

բոլոր անդամների նկատմամբ: Եվ ինչու՞ ոչ նաև մանկապարտեզում, որովհետև մենք

փոխկապակցված ենք միմյանց հետ:

ԾՆՈՐՂՆԵՐԻ ՀԱՄԱՐ ՆԱԽԱՏԵՍՎԱԾ ՀՈԳԵԲԱՆԱԿԱՆ ԱՆԿԵՏԱ

1. Երեխայի անվան և ազգանվան առաջին տառերը **Գ. Կ.**
2. Երեխայի ծննդայն օրը,ամիսը, թիվը **12.11.2019թ.**
3. Լրացնողի անվան ազգանվան առաջին տառերը **Մ. Կ.**
4. Ընտանիքի կազմը

| | | | | | |
|---------------|--------------|-------------|-------|-----------|----------------|
| Մայր | Հայր | Տատիկ | Պապիկ | Եղբայրներ | Քույրեր |
| Մարինե | Արտակ | Ռոզա | | | Ռուբինա |

5. Հղիության տևաթացքը, առաջացած բարդությունները **Չի եղել**
6. Զարգացումը վաղ տարիքում, երբ է նստել **4 ամսեկան**, քայլել **1 տարեկան**, խոսել **3-ից**
7. Ի՞նչ հիվանդություններ է տարել երեխան **Ոչ մի**
8. Երեխայի կյանքում եղե՞լ են արդյոք փոփոխություններ, /օրինակ միջավայրի փոփոխություն, հաճախակի կամ երկարատև բաժանումներ ծնողներից կամ այլ դեպքեր՝ **Ոչ**
9. Ո՞վ է խնամել երեխային առաջին երկու տարվա ընթացքում **Մայրը և տատիկը**
10. Երեխան հաճախու՞մ է կամ հաճախե՞լ է մանկապարտեզ, քանի՞ տարեկանից **Այո 3-ից Ոչ.....**
11. Ինչպե՞ս է երեխան վերաբերվում մանկապարտեզ այցելությանը **Շատ դրական**
12. Ի՞նչ բարդություններ են եղել երեխայի վարքում **3 տարեկանում Ոչ մի**
13. Երեխան դրսևորու՞մ է ինքնուրույնություն, թե ամեն ինչ նրա փոխարեն է արվում **Ինքնուրույն**
14. Ինչո՞վ է սիրում զբաղվել, խաղալ, /համակարգիչ, կոնստուկտոր, հեռուստացույց, տիկնիկներ, **մեքենաներ**, նկարչություն, **փազլ**/
15. Տանը կան արդյո՞ք խաղալիքների համար նախատեսված հատուկ անկյուն **Այո**
16. Ինչպիսի՞ն են հարաբերությունները հասակակիցների հետ **Լավ**
17. Ինչպիսի՞ն են հարաբերությունները ընտանիքի անդամների հետ **Լավ**
18. Համատեղ ի՞նչ գործունեությամբ եք զբաղվում կամ խաղում.....

19. Ընտանիքում կա՞ն հակասություններ երեխայի հանդեպ կիրառվող արգելքների կամ թույլտվությունների վերաբերյալ...Այո.....Ոչ ✓

20. Ինչպե՞ս եք պատժում.....

21. Ինչպե՞ս եք խրախուսում **Գովեստի խոսքեջ, համբուրել,շոյել**

22. Երեխան ի՞նչ խմբակներ է հաճախում **Ոչ մի**

23. Ի՞նչ է երեխայի մոտ առավել հաջող ստացվում

| | | | | | | |
|--------|-------|-------|-------|-----------|-------|-----|
| Նկարել | Երգել | Պարել | Սպորտ | Արտասանել | Խաղալ | Այլ |
| ✓ | ✓ | ✓ | | | ✓ | |

24. Ի՞նչն է ձեզ անհանգստացնում ձեր երեխայի վարքի մեջ

| | | | | |
|----------------------|----------------|------------------|-----------------|-----------------|
| Ագրեսիվություն | Ամաչկոտություն | Ստախոություն | Գերակտիվություն | Անհանգստություն |
| Ցուցադրողականություն | Ցրվածություն | Ինքնամփոփություն | Շատախոսություն | Այլ |

25. Նկատե՞լ եք վախեր կամ այլ անցանկալի դրսևորումներ ձեր երեխաների վարքում **Ոչ**

ԵԶՐԱԿԱՑՈՒԹՅՈՒՆ

Եվ այսպիսով եզրակացություն՝ ընտանիքի դերը երեխայի զարգացման ու դաստիարակման առաջին օղակն է և համագործակցությունն է նախադպրոցական ուսումնադաստիարակչական աշխատանքի բնագավառում:

Ես ընտրեցի շրջակա միջավայրի «Ընտանիք և մանկապարտեզ» թեման և պարապունքը ներկայացրի «Ճանաչիր ընտանիքդ և տարբերակիր ընտանեկան կապերը»:

Ծնողները լրացրին հոգեբանական անկետաները՝ երեխաները նկարեցին իրենց ընտանիքները ու ներկայացրին շատ հուզական ու ճիշտ: Ինքս համեմատեցի և հասկացա, որ ծնողները առաջնորդվում են այս ժամանակի հետ, այսինքն «Քայլ առ քայլ» մեթոդների նմանեցված տեսակով:

Երեխան կարող է ինքնուրույն մտածել ու արտահայտվել՝ թե՛ մանկապարտեզում, և թե՛ ընտանիքում:

Իմ պարապմունքի ընթացքում ես օգտագործեցի դաստիարակության հետևյալ մեթոդները՝

- ✓ առաջնորդվել
- ✓ սովորեցնել
- ✓ խրախուսել
- ✓ ներառել
- ✓ կազմակերպել
- ✓ հետազոտել
- ✓ եզրակացնել

Այսինքն թողնել երեխան ինքը ընտրի, որպեսզի սիրով լսի ու սովորի, հաշվի առնենք իր կարծիքը:

Օրինակ՝ նկարել է ընտանիք, մենք չենք հասկացել, իսկ եթե հարցնում ենք երեխային «Ի՞նչ ես նկարել» ապա երեխան շատ գեղեցիկ ներկայացնում է:

Եվ այստեղից եզրակացություն, եթե երեխային վստահում ես, որ նա կարող է խրախուսման միջոցով ավելի ակտիվ դրսևորի իրեն տվյալ պարամունքին, ապա պետք է հաշվի առնել իր կարծիքը: Այսպիսով մենք «Քայլ առ քայլ» գնում ենք առաջ: Միանգամից չսովորեցնել, թողնել երեխան արտահայտվի:

Ընտրել եմ այս հետազոտական աշխատանքը, քանի որ ընտանիքում են դրվում երեխայի վաղ զարմացման հիմքերը:

Ծնողներն են, որ առաջին անգամ երեխային սովորեցնում են կյանքի այբուբենը, ձևավորում նրանց աշխարհընկալումը, բնավորություն գծերը:

Ես կարծում եմ, որ ծնողների հետ հանդիպումը, անկետա լրացնելու համար մեր սաների պահվածքը տանը ինչպիսի՞ն է, հանդիպման ժամանակ ներկայացնել սեփական ոճի վերլուծումը՝ եզրակացություն կազմել իմ վերաբերմունքը իրենց երեխաների հանդեպ:

Տնօրենի և դաստիարակի հիմավոր խոսքերից ենթադրեցի ու վերլուծեցի, որ իրենք հավանություն էին տվել այս իմ ընտրած թեմային և կարևորություն էին տվել ընտանիք-մանկապարտեզ համագործակցության մեթոդներին:

Երբ տեսա երեխաների պատկերացումով նկարած ընտանիքի նկարները, շատ զարմացա, թե ինչպե՞ս են բացատրում իրենց նկարած աշխատանքները մանրամասն և հասկանալի յուրաքանչյուր գիծ, կետ, շրջան եռանկյունի ի՞նչ է նշանակում:

Հատկապես շատ զվարճալի անցավ «Ձնագնդի» խաղը, նույնիսկ տնօրենը մասնակցեց այս խաղին ու երեխաներին ուրախացրեց տվյալ պահին: Մեծերի հետ խաղը ավելի հետաքրքիր է դառնում և ոգևորում է փոքրիկներին:

Վերլուծելով իմ աշխատանքը կարծում եմ շատ բաներ հասկացա ու սովորեցի այս վերապատրաստման ժամանակ «Քայլ առ քայլ» կհասնենք շատ բարձունքների: Միասին՝ «Ընտանիք», «Մանկապարտեզ» կարևոր երկու հասկացություն:

ԿԱՐԾԻՔ

29.11.2023թ. հաստատության միջին խմբի դաստիարակ Ալվարդ Եփրիկյանը «Ինձ շրջապատող աշխարհը» առարկայի շրջանակում ներկայացրեց «Ճանաչիր ընտանիքդ եւ տարբերակիր ընտանեկան կապերը» թեման: Կիրառելի զանազան դիդակտիկ նյութեր, նկարներ, վարժություններ, որոնք ավելի դյուրին դարձրեցին թեմայի ընկալումը: «Անկետավորման մեթոդի» կիրառմամբ ավելի մեծացավ երեխաների հետաքրքրությունը թեմայի շուրջ, որի շնորհիվ դաստիարակը հասավ իր առջև դրված նպատակին, այն է՝ թեման յուրացվեց սաների կողմից: Սաները մեծ ոգևորություն ապրեցին, մեծ ուրախությամբ և խանդավառությամբ մասնակցեցին պարապմունքին և ամենակարևորը մայրիկի մասին խոսելիս՝ բոլորի դեմքին ժպիտ հայտնվեց: Դաստիարակի հողմից հետագրտվող թեման մեծ կարևորություն ունի նախադպրոցական կրթության մեջ, քանի որ ընտանիքը լինելով հասարակության բջիջը, ամենաառանցքային սոցիալական ինստիտուտներից մեկը, հանդիսանում է զարգացած պետության, առողջ հասարակության հենասյունը: Առողջ ընտանիքներում դաստիարակվող երեխաները պետության լավագույն ապագան կերտողներն են:

Տնօրեն՝ Հ. Մովսիսյան

ԿԱՐԾԻՔ

Միջին խմբի դաստիարակ Ալվարդ Եփրիկյանը ներկայացրեց «Ճանաչիր ընտանիքը եւ տարբերակիր ընտանեկան կապերը» թեման: Պարապմունքը սկսվեց շատ հետաքրքիր անակնկալով, երեխաները մեծ ոգևորությամբ սպասում էին, թե ինչ է լինելու տուփի մեջ: Դաստիարակը պարապմունքի ժամանակ կիրառեց բազմաթիվ դիդակտիկ նյութեր, զարգացրեց երեխաների կապակցված խոսքը: Նա կազմակերպեց խաղեր, որոնք էլ ավելի ակտիվացրեցին երեխաներին:

Դաստիարակի պարապմունքը համալիր էր, քանի որ պարապմունքի ժամանակ երեխաները և՛ նկարեցին, և՛ վերլուծեցին իրենց նկարները և՛ հանելուկների պատասխանեցին: Դաստիարակը աշխատել էր նաև ծնողների հետ: Կիրառել էր «անկետավիրման մեթոդը», պարզելու համար ծնողների հուզական կապը երեխաների հետ: Ըստ իս, դաստիարակը իր առջև դրված նպատակին կարողացավ հասնել: Նա աշխատել էր և՛ ծնողների, և՛ երեխաների հետ:

Ընտանիքն է սոցիալականացման առաջին օղակը, ուր սկիզբ է առնում երեխայի սոցիալական էությունը:

Ընտանիքն այն կայուն սոցիալական օղակն է, որն ուղեկցում է երեխային ողջ կյանքի ընթացքում:

Եվ շատ կարևոր է մանկապարտեզի և ընտանիքի համագործակցությունը, որպեսզի արդյունավետ կազմակերպեն երեխայի դաստիարակությունը:

Դաստիարակ՝ Ա. Խառատյան

29.11.2023թ.

ԳՐԱԿԱՆՈՒԹՅՈՒՆ

Նախադպրոցական մանկավարժություն Ս.Ա. Մարության, Ս.Մ Դալլաքյան

Նախադպրոցական կրթական հաստատության կապը ընտանիքի հետ - էջ 257-259

Ընտանեկան դաստիարակության առանձնահատկությունները - էջ 260-263

Ընտանիքի և մանկապարտեզի համագործակցության ձևերը - էջ 270